

聖

聖

訟 右撫琴頭左手援帶凶訟不已相與相戾失利而歸

師 炙魚拈斗陰伺碩鼠舌不思味譏發為崇雥不得去

比 申酉說服牛馬休息君子以安勞者得權

小畜 堯門尹爵聖德增益使民不疲安无怵惕

履 孤公寡婦獨宿悲苦目張耳鳴莫與笑語歸妹之

泰 外得好畜相與嫁娶仁賢隄聚諮詢歛事傾奪我城使家

不寧

否 煎砂盛暑鮮有不朽去河三里敗我利市老手育馬去之

何悔

同人 甲乙戊庚隨時轉行不失常節萌芽律屈咸達出生各樂

其類

大有 依宵夜遊與君相遭除解煩惑使心不憂

謙 无有絕明巧言為讒覆白汚玉顏叔哀音
豫 逐利三年利走如神展轉東西如鳥避丸
隨 隄防壞决河水汝溢傷害稼穡民流去室君孤獨宿沒溺
我邑

蠱 陰陽隔塞許嫁不荅旌丘新臺悔往嘆息
臨 伯夷叔齊貞廉之師以德防患惠福不存
觀 陽為狂悖拔劍自傷為身生殃

噬嗑 進士為官不苦服田獲壽保年

賁 耕石不生弃禮元名縫衣失針襦袴弗成

剝 靈龜陸處一旦失所伊子復耕禁亂无輔

復 室當原口漂溺為海財產單盡衣食无有

无妄 鷄方啄粟為狐所逐走不得食惶懼喘息

大畜 家在海隅繞旋深流豈敢憚行无木以趨

頤 他山之錯與謬為仇來攻吾城傷我肌膚國家騷憂

大過 弊鏡无光不見文章少女不嫁弃於甘公

坎 大蛇巨魚相輔殺之君臣隔塞郭公失廬

離 絕世无嗣福祿不存精神涣散離其躬身

咸 文君之德養人致福年无胎夭國富民寶憂者之望憎然

盜息

恒 合歡之國喜為我福東岳南山朝濟成恩

遯 憂人之患復悖易頽為身禍殘率身自守與喜相抱長子

成考封受福祐

大壯 太公避紂七十隱處卒受聖文為王室輔

晉 江漢上流政逆民憂陰代其陽雌為雄公

明夷縮縮亂絲舉手為災越畝逐兔濡其衣袴
家人臭穢腐木與狼相輔亡夫失子憂及父母

睽 割羊不當女執空筐兔跛鹿蹄緣山墜墮隨讓佞亂作

蹇 拔劍傷手見敵不喜良臣无佐困憂為咎

解 三殺五牂相隨俱行迷入空澤循入直北經涉六駭為聽

傷敗

損 爭鷄失羊亡其金囊利得不長陳蔡之患賴楚以安

益 三灑負衡南取芷香秋蘭分馥盈滿神價利我仲季

夬 孟春已五衰呼仲父明德訖終亂虐滋起

姤 履不容足南山多葉家有其蘭乃无病疾葉又作草

萃 三足无頭弗知所之心在精傷莫使為明不見日光

升 戴克扶禹喬松彭祖西過王母道路夷易无敬難者

困 式微式微憂禍相半隔以巖山室家分散

井 靈龜陸處一日失所伊子復耕築亂无輔

革 仁德覆洽恩及異域澤及殊方禍災隱伏蚕不作室寒无

所得

鼎 夏麥麴麴霜擊其芒疾君敗國使年天傷

震 火雖熾在吾後寇雖多在吾右身安吉不危殆

艮 遼遠絕路客宿多悔頑嚙相聚生我畏惡

漸 懸懸南海去家萬里飛兔裏駿一日見母除我憂悔

豐 因而後通難厄不窮終得其願姬姜相從

旅 西賈巴蜀寒雪已沒欲前不得還及空空

巽 作新初陵爛熳難登三駒推車躓頓傷頤

允 延頸望酒不入我口深日自苦利得无有幽人悅喜

渙 仲春孟夏和氣所舍生我喜福國元殘賊
節 張網捕鳩兔離其災雌雄俱得為豈所賊
中孚三人俱行一人言北伯仲欲南少叔不得中欲分道爭鬪
相賊

小過然諾不行欺給誤人使我露宿夜歸溫室祀怒不直鬼擊
其目欲來獨利反言自賊

既濟陳辭達誠使安不傾增祿益壽以成功名
未濟火燒公床家破滅亡然得安昌先憂重喪

豐之第五十五

豐 清糲行賈徑涉山阻與狄為市不憂危殆利得十倍

乾 鼎足承德嘉謀生福為王開庭得心所欲

坤 曳綸江海釣魴與鯉王係列俎以饗仲父

屯 東山臯落叛逆不服興師征討箕子敗覆

蒙 千里駢駒為王服車嘉其驅榮君子有成

需 三龍北行道逢六狼莫宿中澤為禍所傷

訟 天災所遊凶不可居轉徙獲福留止危憂

師 狐狸雉兔畏人逃去分走竄匿不知所處

比 雨師娶婦蕙巖季子成禮既婚相呼南山膏潤下土年歲

大有

小畜外棲野鼠與雉為伍瘡痍不息即去其室

履 天命絕後孤傷无主彷徨兩社獨不得酒

泰 鵠思其雄欲隨鳳東順理羽翼出次傾日中流北邑及復

其室

否 螻蛇九子長尾不殆均明光澤燕自受福

同人日走月步趨不同舍夫妻反目君立失國

大有定房戶室括新除註文德淵府害不能賊作宜房室括卿深毒不知孰是

謙 東齊郭廬嫁于洛都駿良美好多好讓主利得過倍

豫 病篤難醫和不能治命期終訖下即蒿里

隨 開郭聚業主迹所起姬德七百振以八子

蠱 豐年多儲河海饒魚商客善曹大國富有

臨 鵠求魚食過彼食邑繒加我頸繳桂羽翼欲飛不能為羿

所得 觀 望城抱子見邑不殆公孫上堂文君悅喜

噬嗑 左指右摩邪侈靡靡執節无良靈君以亡

賁 日中為市各持所有交易資賄由珠懷寶心悅歡喜

剝 山没丘浮陸為水魚燕雀无廬

復 馬服長股宜行姜市蒙祐許偈獲利五倍終日在市許朝獲利既享嘉福得文以義

无妄 三狸捕鼠遮過前後死於國城不得脫走

大畜 鬼舞國社歲樂民喜臣禮於君子孝於父

頤 慈母望子遙思不已久客外野我心悲古

大過 雨師娶婦黃巖李子成禮既婚相呼南上膏潤下土年歲

大有

坎 兩狗圍牢相咬爭食枉矢西流射我暴國高宗伐鬼三年

乃服

訟 早霜晚雪傷禾害麥損功弃力飢无可食

咸 腐臭何在青蠅集聚變白為黑敗亂邦國君為臣逐失其

寵光

恒 率羊不前與心反旋聞言不信誤給丈人富云言語不

豐

卷之

三五

遜 甘忍利害還相克敵商子酷刑鞅喪厥身

大壯割羊不當血少无美女執空筐不得根

晉 齟齬齟齬貧鬼相責元有歡怡一日九結

明夷兩足四翼飛入嘉國寧我伯姊子母相得

家八文山紫芝雍梁朱草生長和氣王以為寶公乃節食福祿

來處

睽 絕世遊菟福祿不存精神渙散離其躬身

蹇 北辰紫宮衣冠立中含弘建德常受大福

解 伯蹇叔盲莫為守株失我衣裘代爾陰鄉

損 兩女共室心不聊食亂髮如蓬憂常在中

益 去辛就蓼毒愈酷甚避井遇坑百憂患日生

夬 初病終凶季為死喪不見光明

姤 三鳥飛來自到逢時俱行先至多得大利

萃 鹿食百草不思邑里維又无咎

升 羊腸九縈相權併則止須王孫乃能上天

困 管仲過恒得其願歡膠日率振冠帶无憂咲戲不

妄行

井 桀跖並處民困烈苦旅行遲遲晉運齊魯

革 菟孤无室衛損不食盜張氏饋身敵失肉

鼎 讒言亂國覆是為非但可乖離去一憂哀

震 衛侯東遊惑於少姬亡我考妣又迷不來

艮 鷄鳴同與恩配无家執佩持鳥莫使致之

漸 義不勝情以欲目榮覬利危躬摧角折頸

歸妹 臣尊主卑權力日衰侵奪无先三家逐公

曹

旅 叔仲善賈與喜為市不憂危殆利得十倍
巽 六蛇奔走俱入茂草驚於長路畏懼喙口

兌 水壞我里東流為海魚鱉謹囂不可安居
渙 飛不遠去卑斷內侍祿食未富

節 陰變為陽女化為男治道大通君臣相承
中孚踐履為難脫厄去患入福喜門見悔大君

小過網密網縮動無感急困不得息

既濟負牛上山力劣行難烈風雨雪遮遏我前中道復還憂者
得歡

未濟嗚嗚嘉草患降甘雨景風升上沾洽時澍生我禾稼
旅之第五十六

旅 羅網四張鳥无所翔征伐困極飢渴不食

乾 寄生无根如過浮雲立本不固斯須落去更為枯樹

坤 人无定法綏降牛出蛇雄走趨陽不制陰宜其家困

屯 衆鳥所翔中有大怪九身无頭莫驚鳧去不可以居

蒙 封豕溝瀆灌漑國邑久宿口中民多病疾

需 奮翅鼓翼翔翔外國逍遙徙倚來歸温室

訟 秋蚕不成冬種不生設王逆理弃其寵名

師 衛侯東遊惑於少姬亡我考妣久迷不來

比 鳥會雀合與惡相得鷓鴣相酬為心所賤

小畜鳴鷄无距與雀格鬪翅折目盲為仇所傷

履 木生内蠹上下相賊禍乱我國

泰 延陵適魯觀樂太史東隣白顛知秦興起率兼其國一統

為主

否 輔相之好无有休息時行雲集所在遇福

同人牀傾實折屋漏垣缺季姬不愜

大有東入海口循流北走一高一下五邑失主七夜六日死於

水浦

謙 羣虎入邑求索肉食大人守禦君失其國

豫 四亂不安東西為患退身山足无出邦域乃得完全賴其

生福

隨 叔眈抱冤析子自己乘遠解患羊舌以先賴其生全

蠱 延頸望酒不入我口深目自苦利得无有

臨 仁政之德恭一日息成形就邑日受厥福

觀 牽頭繫尾屈折幾死彫世无行不知所歸

噬嗑教羊逐兔使魚捕鼠任非其人費白无功

貴 生角有尾張孽制家排揚逐狐張以易公憂禍重凶

剝 去安就危墜陷井池破我玉螭

復 茹芝餌黃塗飲玉英與神通流長无憂凶

无妄體重飛難未能越關不離空壇

大畜巢成樹折傷我蠶器伯踈叔跌亡羊乃追

頤 六人俱行各遺其囊黃鵠失曉无以為明作讒

大過播枝遷岐與母分離絕不相知

坎 迎福開戶喜隨我後曹伯愷悌為宋國主

離 既痴且狂兩目人盲箕踞坐暗名為无中

咸 金梁鍊柱十年牢固完全不虧聖人安處

恒 畏稊何糧與跖相逢欲飛不得為罔所獲

遯 彭生為妖暴龍作災盜弄衣裳聚妬荷兵青禽照夜三日

夷亡

大壯羯夫老婦不能生子鰥寡俱處

晉 鷦鷯縮胎巢於小枝搖動不安為風所吹內寒飄搖常憂
殆危

明夷素車木輿不任負重王子出征憂疑為咎

家人上階四維安乎不危利以居止保其王女

睽 負牛上山力劣行難烈風雨雪遮過我前中道復還

蹇 金城隸郭上下同力政平民親寇不敢賊

解 清澗洲塞為人所言證訊詰問擊於知温甘棠聽斷昭然

蒙恩

損 臯陶聽理岐伯悅喜西登華道東歸无咎

益 低頭竊視有所畏避行作不利酒酸魚敗重昔貪用

夬 十雉百雉常與母俱抱鷄搏虎誰肯為媠

姤 高阜山陵峻陔上與朋為國妖祥无后以薨

萃 六鷁退飛為襄敗祥陳師合戰在股疾傷遂以崩薨霸功

不成

升 異國殊俗情不相得金不為仇西賊擅投

困 鴉噪庭中以戒災凶重引擊折僭憂暴客

井 慈母赤子享賜得士獲夷服除以安王家側陋逢時

革 迹造惡人使德不通咨于為殃年穀大傷

鼎 躬履孔德以世束帶文君燎獵呂尚獲福號稱太師封建

齊國

震 征將止惡鼓鞞除賊慶仲奔莒子般獲福

艮 良夫淑女配合相保多孫壽子懽樂長久

艮

易林下

二二

漸委蛇回壯恩念父母王事靡盬不得安處
歸妹水壤我里東流爲海龜鼉謹囂不得安居
豐束帛戕戕賻我孟空徵召送君處號易子
巽乾行大德覆贍六合嘔噎成就使我福德
允秦併六國更相克賊獲惠質開鄭破其咎
渙晦昧昏冥君无紀綱甲子成亂簡只喪亡
節三足无頭弗知所之心狂精傷莫使爲明不見日光
中孚長夜短日陰爲陽賊萬物空枯藏於北陸
小過依宵夜遊與君相遭除煩解惑使我无憂
既濟逐鹿南山知我入開陰陽和調國无災殘長子出逃頭具
仁君悲作邀作

未濟請騁作耳聾不我與驅我父母

巽之第五十七

巽温山松栢常茂不落鸞鳳以苙得其歡樂
乾采唐沐卿要我桑巾失信不會宴在鈞帶
坤有鳥飛來集于宮樹鳴聲畏惡主將出去
屯仁政之德參參日息成都就邑日受厥福
蒙他山之錯與嗶爲仇夾攻吾城傷我肌膚邦家搔擾
需賚貝贖狸不聽我辭繫於虎鬚牽不得來
訟一簧兩舌佞言陷語三奸成帛曾母投杼
師薄行搔尾逐雲涂水污泥爲陸不田宜稷
比天門九重澤內難通明登到莫不見神公
小畜昧昧不明耳聾不聰陷入澤淵滅頂成凶
履霧露早霜日暗不明陰陽孽疾年穀大傷

泰 三階土廓德義明堂交讓往來享無相承箕伯朝土錫我

玄黃

否 爭鷄失羊利得不長陳蔡之患賴楚以安

同人 天旱水涸枯槁无澤未有所獲

大有 陶朱白圭善賈息貫公子王孫富利不貧

謙 龜厭江海陸行不止自令枯槁失其都市憂悔无咎

豫 黃鳥採蓄既稼不吝念吾父兄思復邦國

遁 田鼠野雉意常欲逃拘制籠檻不得動搖

蠱 平國不君夏氏作亂烏號竊發靈爽殞命

臨 巨蛇大鱷戰於國郊上下閉塞君遁走逃

觀 逸言亂國覆是為非伯奇留離恭子息哀

噬嗑 鬱快不明為陰所傷衆霧集聚共奪日光

賁 望城抱子見邑殆不公孫上堂大君歡喜

剝 三虫為蠱剝迹无與勝母盜泉君子弗處

復 車馳入趨卷甲相求齊魯寇戰敗於大丘

无妄 欲訪子車善柏欺給桓叔相迎不見所斯

大畜 爭雉失羊亡其金囊利得不長陳蔡之患賴楚以安

頤 歲莫花落陽入陰室萬物伏匿利不可得

大過 晨風文翰大舉就温過我成邑昇无所得

坎 特鵠抱子見蛇何咎室家俱在不失其所

離 隱隱大雷霹靂為雨有女癡狂驚駭隣里

咸 无足斷跟居處不安凶惡為患

恒 破筐敝管弃捐於道不復為寶

遯 三鷄啄粟十雛從食飢為卒擊亡其兩叔

巽

木六

二

大壯乘車七百以明文德踐土葵丘齊晉受福
晉百足俱行相輔為強三聖翼事王室寵光
明夷典策法書藏在蘭臺雖遭潰亂獨不遇災
家人西誅不服恃強負力倍道蕃敵師徒敗覆
睽春陽生草夏長條肆萬物蕃滋充實益有
蹇礪禿白不生黍稷无以供祭祗靈代祀
解褰衣涉河澗流浚多幸賴舟子濟脫无他
損宜行賈市所求必倍載且抱子與利為友
益兄征夷燕弟伐遼西大古九勝還封君河間
夫初雖驚惶後乃无傷受甘六福慶和孝為王
始隨風乘龍與利相逢田獲以三倍商旅有功憧憧之邑長安
无他

萃魚擾水濁寇圍吾邑城各心不安驚馬恐狂惑
升雖塞復通履危不凶保甘六明功以道立宗
困坤厚地德庶物蕃植平由尔正直以緩大福
井山水暴怒壞梁折柱積難行旅留連愁苦
革使燕築室身不庇宿家无聊賴織我衣服
鼎矢石所射襄公痢據兵子巢門傷病不治
震日月運行一寒一暑學龍赫赫不可得保顛墮墜墮為
士伍

艮官門悲鳴臣圍其君不得東西

漸戴盆望天不見星辰顧小失大福逃墻外

歸妹天之所明禍不遇家反目相逐終得和美

豐天陰霖雨塗行泥潦商人休止市无所有

旅 善門福喜增累盛熾日就有得宜其家國
允 南山之陽華葉鏘鏘嘉樂君子為國寵光
渙 畫龍頭頸文章未成甘言美語詭辭无名
節 嬰兒孩子未有知識彼童而角亂我政事
中孚陰作大奸欲君勿言鴻鵠利口發其禍亂荆李懷憂張伯
被患

小過德之流行利之四鄉雨師洒道風伯逐殃巡狩封禪以告
成功

既濟禹將為君裝入崑崙稍進陽光登見温湯功德昭明
未濟丘岳四瀆含潤為德行不失理民賴恩福

兌之第五十八

兌 班馬還師以息勞疲役夫嘉言入戶見妻

乾 踐履危難脫去危患心入福嘉門見詢大君

坤 子鉏執麟春秋作元陰聖將終尼父悲心

屯 夾河為婚期至无和搖心失望不見所歡

蒙 天孫帝子與日月並光榮於世福祿祉祉

需 三羊爭妻相隨奔馳終日不食精氣勞疲

訟 禹召諸神會稽南山執玉萬國天下安寧

師 早霜晚雪傷害禾麥損功弃力飢无所食

比 嵩融持戟杜伯荷弩降觀下國誅逐无道憂商之季失福
逃走

小畜生有聖德上配太極皇靈建中受我以福

復 下田陸黍萬莖生齒大雨霖集波病漬腐

泰 子畏於匡困尼陳蔡明德不危意克免害

否 有兩赤頭從五岳遊淫言无祐趨爾之林俯伏聽命不敢
動搖

同人當得自知不逢凶災衰來復興終得福來

大有朽根別樹華葉落去卒逢火焮隨風僵仆

謙 葛生衍蔓締紛為願家道篤厚父兄悅喜

豫 東行求玉反得弊石名曰无直字曰醜惡最所賤薄

隨 瞻白用弦駕孱恐怯任力隨身如蝟見鵠偃視怒腸不敢

拒格

蠱 瘡痍多病宋公危殆吳子巢門无命夫所

臨 東山西岳會合俱食為吳從送以成恩福

觀 舞非其處失節多悔不合我意

噬嗑 南循汝水伐樹斬枝過時不遇怒如周飢

賁 公孫駕驪載遊東齊延陵說產遺季紵衣

剝 乘輿八百以明文德踐土葵丘齊魯受福

復 雄處弱水雌在海邊別離將食哀悲於心

无妄 結網得鮮受福安坐終无患禍

大畜 秋南春北隨時休息處和履中无有憂凶

頤 啓戶閉門巡狩釋寃夏臺姜里湯文悅喜

大過 符左契右相與合屬乾坤利貞乳生六子長大成就夙言

如母

坎 飢蚕作室絲多亂緒端不可得

離 東壁餘光數暗不明主母嫉妬亂我事業

咸 白茅醴酒靈巫拜禱神嗜飲食使君壽考

恒 范公陶夷巧賈賈資東之營丘易字子皮抱珠載金多得

充

利歸

遯 三殺五祥相隨俱行迷入空澤經涉虎廬循谷直北經涉
六駭為所傷賊死於牙腹

大壯雄鵠延頸欲飛入關雨師洒道織我袍裘車重難前侍者

稽首

晉 中年蒙慶今歲受福必有所得

明夷祿如周公建國洛東父子俱封

家人安床厚蓐不得夕宿弃我嘉讌困於東國投杼之憂不成

禍災

睽 蓄積有餘糞土不居利有所得

蹇 心願所喜乃今逢時我得利福不離兵革

解 目不可合憂來搔足怵惕危懼去其邦族

損 福德之士懽悅日喜夷吾相桓 三歸為臣賞流子孫

益 夏姬附耳心聽悅喜利後傳耻

夬 叔迎兄弟遇宮在陽召子季姬並坐鼓簧

姤 徙巢去家南遇白鳥東西受姤曲與喜相得

萃 舜登大禹石夷之野徵詣王亥解治水土

升 江河淮海天之都市商人受福國家富有

困 隱隱煩煩火燒山根下潤我隣獨不蒙恩

井 闇昧不明耳聾不聰陷入深淵滅頂憂凶

革 烏鳴啾啾天火將下播我館舍災及妃后

鼎 十雉百雛常與母俱抱虎搏雞誰敢難者

震 營城洛邑周公所作世建三十年歷八百福祐盤執堅固
不落

艮 三人俱行別離將食一身五心反復迷惑
漸 三虎搏狼力不相當如鷹格雉一擊破亡

歸妹 養虎畜狼還自賊傷年歲息長疾君拜禱雖危不凶
豐 後時失利不得所欲

旅 雉兔之東以野為場見鷹奔走死於谷口

巽 秋蛇見穴不失其節夫人姜氏自齊復入

渙 鳥鳴巢端一呼三顛搖動東西危嵬不安

節 命天不遂死多為崇妻子啼啞早失其雄

甲子 茆屋結席崇我文德三辰旆旗家受行福

小過 羅網一張鳥无一翔征伐困柱飢窮不食

既濟 天成地安積石為山潤給萬里人賴其歡

未濟 銅人鑄柱暴露勞苦終月卒歲无有休止

渙之第五十九

渙 望幸不到文章未就三子逐兔犬踣不得

乾 焱風阻越車馳碣石棄古追思失其和節憂念悒悒

坤 蛇得澤草不憂危殆

屯 兩大爭鬪股瘡无處不成仇讐行解却去

蒙 因禍受福喜盈其室求事皆得

需 江有寶珠海多大魚亟行疾去可以得財

訟 三牛生狗以成為母荆夷上侵伯姬出走

師 安息康居異國窮廬非吾習俗使伯憂惑

比 行觸天網馬死車傷身无聊賴困窮乏糧

小畜 裸裎逐狐為人觀咲牝鷄司晨主作亂門

履 為季求婦家在東海水長无舡不見所歡

泰 男女合室二姓同食婚姻孔云宜我多孫
否 天行帝室黃帝所直藩屏周衛不可得入常安長在終无
禍患

同人賚金觀市欲置騶子猾偷竊發盜我黃寶

大有三思俱行欲歸故鄉望邑入門拜見家觀

謙 娶於姜女駕迎新婦少齊在門夫子悅喜

豫 伯仲旅行南求大祥孟長痛足倩季負囊柳下之貞不失

我邦

隨 潔身白齒衰老復起多孫衆子宜利姑舅

蠱 獨宿憎夜嫖母畏書平王逐建刑子憂懼

臨 追亡逐北呼還幼叔至止而得徃歸其室

觀 鳥飛无翼兔走折足雖欲會同未得其功

噬嗑均空握虛鳴叫我賈利出不成一作

賁 山作大池陸地為海各得其所

剝 為虎所齧太山之陽衆多從者莫敢救藏

復 逶迤四牡思歸念母王事靡盬不得安處

无妄獼猴所言語无成全誤我白馬使口不至一作使
乾口來

大畜飛不遠去卑廝內侍祿養未富

頤 大尾細腰重不可搖陰權制國平子逐昭

大過旦生夕死名曰嬰鬼不可得視視一作祀

坎 子畏於匡困於陳蔡明德不危竟免厄害

離 畏昏潛處候時朗昭卒逢白日為世榮主

咸 白鳥啣餌嗚呼其子旋枝張翅來從其母

恒 宮商角徵五音和起君臣父子弟順有序唐虞襲德國元

災咎

遯 季姬踟躕望孟城隅終日至暮不見齊侯
大壯鬼哭於社悲傷无後甲子昧爽殷人絕祀
晉 天之所予福祿常在不憂危殆

明夷比日附翼相待為福姜氏季女與君合德
家人翕翕鞫鞫稍崩墜顛滅其令名長後不全
睽 折芒蔽目不見雉叔三足飛鳥遠去家室
蹇 羊腸九縈相催稍前止須正孫乃能上天
解 坤厚地德庶物蕃息平康正直以綏大福
損 有莘外野不逢堯主復歸窮處心勞志苦
益 苒長景行來觀柘桑止仙自喜都叔允臧
夬 周師伐紂戰于牧野甲子平旦天下喜悅

姤 踰江求橘并得大栗烹望一食豕飲食歌笑

萃 敬苟在梁魴逸不禁漁父勞苦口焦喉乾虛空无有

升 生有陰孽制家非陽遂乎入還作張氏易休憂禍重凶

困 絕域異路多有恠惡使我驚懼思我故處

井 迷行失道不得馬牛伯西具逃亡市没无有

革 雌鸞生鵬神異興起乘雲龍騰民載為父

鼎 豐豐蠱蠱如岐之室畜一息千古公治邑

震 瘡瘍疥癩孝婦不省君多疣贅四時作災

艮 羊頭兔足羸瘦少肉漏囊囊敗粟利无所得

漸 孽茂徙靡空无誰是言季不明樂減少解

歸妹 妹貌親熟敗君正色作事不成自為心賊
豐 四馬共轅東上太山駢驪同力无有重艱與君咲言

旅 陰變為陽文化為男治道得通君臣相衛

巽 南國少子才畧美好求我長女賤薄不與反得醜惡後乃

大悔

兌 昭公失常季女悖狂遜齊處野喪其寵光

節 文山紫芝雍梁朱草生長和氣王以為寶公孫宥食福祿

來處

中孚牽羊不前與心戾旋聞言不信誤給丈人

小過東山西山各自止安心雖相望竟不同堂

既濟鹿求其子虎廬之里唐伯季耳貧不我許

未濟三虎上山更相距孝心志不親如仇與怨

節之第六十

節 海為水王聰聖且明百流歸德无有叛逆常饒停足不利

攻王所求弗得

乾 虎豹怒咆慎戒外真冬下俱搔士民无聊

坤 探巢得雛仇鵠俱來使我心憂

屯 日望一食常恐不足祿命寡薄

蒙 良馬疾走千里一宿難逃它鄉誰能追復

需 鵲巢鳩城上下不親内外乖畔子走失願

訟 雲龍集會征討西戎招遣定眾誰敢當鋒

比 春多膏澤夏潤優渥稼穡成熟畝獲百斛

比 僮妾獨宿長女未室利无所得

小畜四野不安東西為患退身止足无出邦域乃得全完賴其

生福

履 長寧理福安我百國嘉賓上堂與季同牀

泰 騏驎綠耳章明造父伯夙奏獻衰續厥緒佐文成霸為晉

元輔

否 張陳嘉謀替成漢都主歡民喜其樂休休張良陳平也

侗人大面長頭來解君憂遺吾福善與我嘉惠

大有畏昏不行待旦昭明燎獵受福老賴其慶

謙 伯去我東首髮如蓬長夜不寐輾轉空床內懷惆悵憂摧

肝腸

豫 朽條腐索不堪施用安靜候時以待親知

隨 比目四翼相倚為福姜氏季女與君合德

蠱 履塔升墀高登崔嵬福祿洋溢依天之威

臨 奢淫吝嗇神所不福靈祇憑怒鬼瞰其室

觀 大步上車南到喜家送我狐裘與福載來

噬嗑 東行西步失次後舍卓侯野井昭君失居與彼作期不覺

至夜

賁 喜樂并躍來迎歡客鵲巢百兩以成喜福多獲利益

剝 非理所求誰肯相與往來不獲徒勞道路

復 北虜匈奴數侵邊境左衽為長國猶未慶

无妄 續事康域鉞折不成嬰兒短舌說辭无名辭一作征不以理乃无名縱獲

臣子伯
功不成

大畜 景星明堂麟在鳳翔仁施大行頌聲作興

頤 文明之世銷鋒鑄鉤以道順昌百王不易鎮一作案膏銷鋒

文德君
安其國

大過 鳥飛无羽鷄鬪折距徒自長嗟誰肯為侶一作不順其德自為凶咎

坎 羣隊虎狼齧彼牛羊道路不通妨曲展害商

離 商伯沉醉庶兄奔走淫女蕩夫仁德並孤
咸 三狸搏鼠遮遏前後當此之時不能脫走
恒 陶叔孔圉不處亂國初雖未萌後受福慶
遯 奮翅鼓翼翔翔外國道逢比域不入温室
大壯 德音孔博升在王室八極蒙祐受其福祿
晉 當變立權摘解患難霍然氷釋大國以安
明夷 羽動角甘兩續草木茂年歲時熟

家人 天所佑助福來禍去君王何憂

睽 方啄宣口聖智仁厚釋解倒懸唐國大安

蹇 葛萬蒙棘棘不得實讒佞亂政使恩雍塞

解 皇母多恩字養孝孫脫於強祿成就為君

損 積水下濕北陸苦寒路宿多風君牙傷心

益 伯夷叔齊貞廉之師以德防患憂禍不存

夬 一雌二雄子不得公亂我族類使吾心憤

姤 主安多福天祿所伏居之寵昌君子有光

萃 千歲槐根利多斧癩樹維枯屈枝葉不出

升 周師伐紂勝殷牧野甲子平旦天下大喜

困 日走月步趨不同舍夫妻反目主君失居

井 宣勞就力為王主國安土成稷天下蒙福

革 諷德誦功美周盛隆惠且輔成光濟冲人

鼎 三夜不寢憂來益甚戒以危懼弃其安居

震 恩願所之乃今逢時洗濯故憂拜其權來

艮 嚶嚶懍懍夜行晝伏謀議我資來攻吾室空盡財幾无

所食

漸 駢牛亡子鳴於大野申後陰徵還歸其母說我除悔
歸妹王良善御伯樂知馬周旋步驟行中規矩止息有節延命
壽考

豐 釋然遠咎避患害旱田獲三狐以貝為寶

旅 仁獸所處國无凶咎市賈十倍復歸惠里

巽 六目俱視咎欲有志一言不同乖戾生訟

允 傳說休明驂御四龍周徑萬里无有危凶

渙 伯仲叔季日暮寢寐醉醒失明喪其具囊卧拜道旁

中孚江有寶珠海多大魚亟行疾至所以得財

小過遠視千里不兇所視離婁之明无益於耳

既濟弱足則跟不利出門市賈无贏折亡為患

未濟利盡得媒時不我來鳴雌深涉寡宿獨居

中孚之第六十一

中孚鳥鳴喑喑天火將下燔我屋室災及妃后

乾 黃虹之野賢君所在管仲為相國无災咎

坤 叔梁有名相與合齒乾坤利貞乳生六子長夫成就風言

如母

屯 蝗蝻我稻驅不可去實穗无有但見空藁

蒙 嬰孩求乳母歸其子黃鹿悅喜

需 折箬蔽目不見稚叔失旅亡民遠去家室

訟 祥羊墻首君子不飽年飢孔荒士民危殆

師 靈龜陸處盤桓失所伊子退耕桀亂无輔

比 威約拘囚為人所誣臯陶平理幾得脫免

小畜烏升鵲舉照臨東海龍降庭堅為陶叔後封於蓼丘福履

綏厚

履 四目相視稍延同執日映之後見吾伯姊
泰 大步上車南至喜家送我孤裘與福載來
否 穿都相合未敢面見媒妁无良使我不鄉
同人鴻飛遵陸公母不復伯氏客宿

大有代戍失期患至无聊懼以發難為我開基邦國憂愁

謙 伯氏爭言戰於龍門構怨結禍三世不安

豫 周政養賊背生人足陸行不安國危為患

隨 蜩蟬歛喜草木嘉茂百果蕃生日益富有

蠱 薄災暴虎風吹雲却欲上不得復歸其宅

臨 乘騶駕驪遊至東齊遭遇行旅送我以化負厚得利歸

觀 鳳生七子同巢共乳歡悅相保

噬嗑

桃雀竊脂巢於小枝動搖不安為風所吹心蹇慄搖常憂
殆危

賁 東山西山各自止安雖相登望不得同堂

剝 匍匐出中足驚懼皇恐白虎生孫蓐收在後

復 重戈射準不知所定質疑著龜明神答報告以肥壯宜利

止居

无妄開門內福喜至我側加以善祥為吾家宅宮城洛邑以招

文德

大畜烏飛狐鳴國亂不寧下強上弱為陰所刑

頤 三鷄啄粟八雛從食飢鷹擊擊失亡兩叔

大過歎息不悅憂逆中出喪我金甕无妄失位

坎 剛柔相呼二姓為家霜降既同惠我以亡

坎

離 送我季女至於蕩道齊王曰夕留運久處

咸 低頭竊視有所畏避行作不利酒酸魚敗衆莫會嗜

恒 典策法書藏在蘭臺雖遭亂潰獨不遇災潰者散也

遯 且醉病酒暮疾瘳愈獨不及咎

大壯 畫龍頭頸文章不成甘言美語說辭不名

晉 日月運行一寒一暑榮光赫赫不可得保顛躓殞墜更為

士伍

明夷 爭利王市朝多君子蘇氏六國獲其榮寵

家人 六蛇奔走俱入茂草驚於長塗畏懼喙口

睽 恒素餐食非其任失輦剝廬休坐徙居

蹇 觀欣九子俱見大喜推提福至王孫是富

解 伯夷叔齊貞廉之師以德防患憂禍不存

損 雄聖伏名人匿麟驚走鳳飛北亂潰未息

益 父鰥无偶思配織女求其非望自令寡處

夬 破亡之國天所不福難以止息

姤 老慵多欲弊政為賊阿房驪山子嬰失國

萃 三殺六特相隨俱行迷入空澤經涉虎廬為所傷賊死於

升 牙腹 噬嗑處懼昧冥相搏多言少實語无成事

困 舞陽漸離擊筑善歌慕丹之義為燕助軻陰謀不遂霍自

死亡功名何施

井 尹氏伯奇父子分離无罪被辜長舌為災

革 五精乱行政逆皇恩湯武赫怒天伐利域

鼎 西歷玉山東入玉門登上福堂飲萬歲漿

離送我季女至於蕩道齊王曰夕留運久處

咸低頭竊視有所畏避行作不利酒酸魚敗衆莫會嗜

恒典策法書藏在蘭臺雖遭亂潰獨不遇災潰者散也

遯旦醉病酒暮疾瘳愈獨不及咎

大壯畫龍頭頸文章不成甘言美語說辭不名

晉日月運行一寒一暑榮光赫赫不可得保顛躓殞墜更為

士伍

明夷爭利王市朝多君子蘇氏六國獲其榮寵

家人六蛇奔走俱入茂草驚於長塗畏懼喙口

睽懸恒素餐食非其任失輦剝廬休坐徙居

蹇觀欣九子俱見大喜推提福至王孫是富

解伯夷叔齊貞廉之師以德防患憂禍不存

損雄聖伏名人匿麟驚走鳳飛北亂潰未息

益父鰥无偶思配織女求其非望自令寡處

夬破亡之國天所不福難以止息

姤老慵多欲弊政為賊阿房驪山子嬰失國

萃三殺六祥相隨俱行迷入空澤經涉虎廬為所傷賊死於

牙腹

升噬嚙處懼昧冥相搏多言少實語无成事

困舞陽漸離擊筑善歌慕丹之義為燕助軻陰謀不遂霍目

死亡功名何施

井尹氏伯奇父子分離无罪被辜長舌為災

革五精乱行政逆皇恩湯武赫怒天伐利域

鼎西歷玉山東入玉門登上福堂飲萬歲漿

震 行觸忌諱與司命忤執囚束縛拘制於吏迷人有喜
良 機父不賢朝多讒臣君失其政保我久貧
漸 三人俱行北求大祥孟長病足請季負囊柳下之貞不失

我邦

歸妹 鵠思其雄欲隨鳳東順理羽翼出次日中雖留比邑復歸

其室

豐 常德自如不逢禍如

旅 白鵠遊望君子以寧履德不愆福祿來成

巽 膚斂之德發憤忘食虜豹擒虎為王得福

兌 百足俱行相輔為強三聖翼事王室寵光國富民康

渙 生不逢時困且多憂年老衰極中心悲愁

節 出節蹉跌看道後旅買羊逸亡所謂逃走空手握拳坐狼

為咎

小過 牧羊稻田聞虎喧謹畏懼惕息終无禍患

既濟 龍潛鳳池箕子變服陰孽萌作

未濟 國无比隣相與爭強紛紛凶凶天下擾攘

小過之第六十二

小過 初雖驚惶後反无傷受其福慶求水其祥

乾 積德累仁靈祐順信福祉日增

坤 謹慎重言不幸遭患周邵述職脫免牢門

屯 鳥飛鼓翼喜樂堯德虞夏著功要荒賓服

蒙 牙蘖生齒室堂啓戶幽人利貞鼓翼起舞

需 使伯東求拒不肯行與叔爭訟更相毀傷

訟 手足易處頭尾顛倒公為雌媼亂其蚕織

小過

師 匠卿操斧豫章危殆袍衣既剥祿命訖已
比 天女踞床不成文章南箕无舌飯多砂糠虛象盜名雌雄

折頸

小畜大椎破轂長舌亂國墻茨之言三世不安
履 街命辱使不堪厥事中墜落去更爲負載
泰 三蛇共室同類相得甘露時降生我百穀
否 衣繡夜遊與君相逢除患解惑使君不憂
同人被髮獸心難與爲隣來如風雨去如絕絃爲狼所殘
大有剛柔相呼二姓爲家霜降既同惠我以仁
謙 牛耳聳聳不曉聲味委以鼎俎治亂潰潰
豫 低頭竊視有所畏避行旅不利酒酸魚餒衆莫貪嗜
隨 雨師娶婦黃巖季子成禮既婚相呼南上膏我下土年歲

大有

蠱 戴盆望天不見星辰 顧小失大遁逃墻外
臨 二人輦車徙去其家 井沸釜鳴不可以居
觀 攘臂反肘怒不可止 狠戾腹心无與爲市
噬嗑湯火之憂轉解喜來

賁 忠信輔成王政不傾 公劉肇基文武綏之
剝 登高折木頓躑躅險車傾馬疲叔伯嗟嘘
復 桑方墮落黃葉敗散失勢傾側如无所立
无妄鸞鳳翱翔集于家國念我伯姊與母相得
大畜陰淫所居益溢過度傷害禾稼

頤 霄冥高山道險峻難王孫罷極困於阪間
大過和壁隋珠爲火所燒冥昧失明奪精无光棄於道傍

坎 虞君好田惠我老親恭承定廟長温不去復我内事

離 瓜牙之士怨毒祈父轉憂與已傷不及母

咸 倉盈庾億宜稼黍稷年歲有息

恒 窓牖戶傍道利明光賢智輔聖仁德大行家給人足海内

殷昌

遯 怵怵之患凶重與荐為虎所吞

大壯 水无魚滋陸為海涯君子失居小人相携

晉 九疑鬱林沮濕不中鸞鳳所惡君子攸去

明夷 六翮泛飛走歸不及脫歸王室上其駢特

家人 不直莊公與我爭訟媒伯无禮自令雍塞

睽 倉庚多億宋公危殆吳子巢門殞命失所庚一

蹇 失羊捕牛无損无憂

解 夏麥麩麩霜擊其芒疾君敗國使我誅傷

損 昧昧暗暗不知白黑風雨亂擾光明伏匿幽王失國

益 執斧破薪使媒求婦和合二姓親御飲酒色比毛嬙姑公

悅喜

夬 六疾生狂癡走妄行北入患門與禍為鄰

姤 驅羊就群狼不肯前慶季悞諫子之被患

萃 二人異路東趨西步十里之外不知相處

升 義不勝情以欲自營觀利為躬折角摧頸

困 騷騷擾擾不安其類疾在頸項凶危為憂

井 三河俱合水怒湧躍壞我王室民困於食

革 陽驩旱疾傷病稼穡農人无食

鼎 流浮出食載豢入屋釋纆繫馬西南廡下

震 門戶之居可以止舍進士不殆安樂相解保一作

艮 過時不歸雌雄苦悲徘徊外國與母分離

漸 中田有廬疆場有瓜獻進皇祖曾孫壽考

歸妹 失時无友覆家出走何如喪狗

豐 及鼻岐頭三寡獨居

旅 衣裳顛倒為王來呼成就東周封受大福

巽 飛不遠去還歸故處興事多悔

允 含血走禽不曉五音匏巴鼓瑟不悅於心

渙 求王獲石非心所欲祝願不得

節 山崩谷絕大福盡歇涇渭失紀玉石既已

中孚 雜日懼怒不安其居散漫府藏无有利得

既濟 衆邪充側鳳凰折翼微子復北去其邦國

未濟 六月采芑征伐无道張仲季叔孝友飲酒

既濟之第六十三 身禍 既濟玄兔指掌與足相視謹訊註問詳情自倡死誣難告口為

身禍

乾 游駒石門駮耳安全受福西隣婦隱玉泉

坤 陽春草生萬物風興君子所居禍災不到

屯 人无足法緩除才出雄走羊驚粟失其家

蒙 太山上奔變見太傲陳吾廢忽作為禍患

需 乘龍光土使暗後明燎獵大得太師以昌

訟 羊頭兔足羸瘦少肉漏囊貯粟利无所得

師 因禍受福喜盈其室螟蛉不作君无苛惑

比 舜升大禹石夷之野徵請王門拜治水土

小畜鳥子鵲雛常與母居顧類群旅不離其巢
復夷羿所射發輒有獲增加倉鷹雙鳥俱得
泰晨風文翰大舉就温昧過我巳羿无所得
否六喜三福南至歡國與喜同樂喜我潔德
同人闔龍股折日就遂明自外爲主弟伐其兄
大有蒙慶受福有所獲得不利出域

謙蠻夷戎狄太陰所積涸水沍寒君子不存
豫畏昏潛處候時昭明卒遭白日爲榮祿主
隨水流趨下欲至東海求我所有買鮪與鯉
蠱冠帶南遊與福喜期徵爲嘉國釋爲逢時
臨莎鷄振羽爲季門戶新沐彈冠仲父悅喜
觀結衿流弼漕讒枉桔周召述職身受大福

噬嗑田鼠野鷄意常欲逃拘制籠檻不得連提
賁居華山巔遊觀浮雲有雨不濡心樂无憂
剝傾倚將顛亂不能存英雄作業家困无年
復心願所喜乃今逢時保我利福不離兵革
无妄靈龜陸處盤桓失所阿衡退耕夏封於國
大畜弱水之右有西王母生不知老與天相保不利行旅
頤抱瑰求金日暮坐吟終身卒歲竟无成功
大過言笑未畢憂來暴卒身加楹欖囚繫縛束
坎望幸不至文章未成王子逐兔犬踣不得
離震悚恐懼多所畏忌行道留難不可以步
咸雄狐綏綏登山崔嵬昭告顯功大福允興
恒火起吾後喜炙我廡倉龍含水深潤吾柱雖憂无咎

遯 危坐至暮請求不得膏澤不降政戾民忒
大壯孟春和氣鷹隼搏鷙衆雀夏瀆

晉 緩法長奸不能理冤沉酒失節君受其患

明夷魚鱉貪餌死於網釣受危因寵為身殃咎

家人金精耀怒帶劍過午徘徊高原宿於山谷兩虎相距弓矢

滿野

睽 四目相望精近同光並坐鼓簧

蹇 茹芝餌黃飲酒玉漿與神流通長无憂凶

解 求獐嘉鄉惡蛇不行函岐口還復反其床

損 天門地戶幽冥不觀不知所在觀又

益 跛足息肩有所忌難金城鐵郭以銅為關藩屏息衛安止

无患

夬 三雁俱飛欲歸稻池經涉山澤為矢所射

姤 濟深難渡濡我衣袴王子善濯决无他以

萃 飲酒醉飽跳趨爭鬪伯傷叔僵東家治喪

升 跛躓未起失利後市蒙被殃咎不得出子

困 辰次降婁建星巾堅子无遠行外顛霄陷遂合訖終

井 商風召寇來呼外盜間謀內應與我爭鬪殫已寶藏主人

不勝

革 甘露醴泉太平機關仁德感應歲樂民安

鼎 蔡仲子突要門逐急禍起子傷弟代其兄鄭文不昌

震 反孽難步留不及舍露宿澤陂亡其襦袴

艮 狼虎結謀相聚為保伺候牛羊病我商人

漸 明德克敏乘輿貢舉故勳御用人哲蒙佑

繫

歸妹貧鬼守門日破我盆毀壘破甕空虛无子

豐 天命赤鳥與兵徼期征伐无道箕子遨遊

旅 威約拘囚為人所誣臯陶平理剖械出牢脫歸家間

巽 羊驚虎狼聳耳群聚无益威僵為齒所傷

兌 初雖啼號後必慶咲光明照耀百嘉如意

渙 馬服長股宜行善市蒙祐諧耦獲金五倍

節 應門内崩誅賢殺暴上下咸愜景公失位長歸元恒望妻

不來

中孚執斧破薪使媒和婦好合二姓親御斯酒色比毛嬙姑悅

公喜

小過兩輪日轉南上大阪四馬共轅无有險難與禹咲言

未濟干柱百梁終木傾僵周家寧康

未濟之第六十四

未濟志慢未習單酒糗脯數至神前欲求所願友得大患

乾 且生夕死名曰嬰鬼不可得視

坤 大步上車南至喜家送我狐裘與福喜來

屯 西多小星三五在東早夜晨行勞苦无功

蒙 北陸藏冰君子心悲困於粒食鬼驚我門

需 山泉暴怒壞梁折柱稽難行旅留連愁苦

訟 比日四翼來安吾國福喜上堂與我同牀

師 狡兔趨趨良犬逐咋雄雌爰爰為鷹所獲

比 增祿益福喜來入室解除憂惑

小畜騎龍乘鳳上見神公彭相受刺王喬贊通巫咸就位拜福
无窮

未濟

履 天火卒起燒我旁里延及吾家空盡已財
泰 金帛黃寶宜與我市嫁娶有息利得萬倍
否 鬼魅之居凶不可舍

同人飛鳥逐兔各有畏惡鷓鴣為賊亂我室舍
大有初雖驚惶後乃无傷受其福慶

謙 兩金相擊勇氣均敵日月鬪戰不破不缺

豫 曳綸河海掛釣魴鯉王孫利德以享仲發一作

隨 犬畏虎狼依人作輔三夫執戟伏不敢敢起身安无咎

蠱 蜘蛛作網以伺行旅青蠅嘵聚觸我羅域為網所得死於

網羅

臨 所望在外鼎金方來拭爵滌壘炊食待之不為黍稷

觀 日月並居常暗匪明高山崩顛丘陵為溪

噬嗑春服既成載華復生莖葉茂盛穗泥泥

賁 華首山頭仙道所遊利以居止且无蛇憂

剝 三狐嗥哭自悲孤獨野无所由死於丘室

復 火中暑退求養其食商人不至市空无有

无妄獨立山顛求麋耕田草木不闢秋飢无年

大畜火雖熾在吾後寇雖近在吾右身安吉不危殆

頤 齟齬齟齬貧鬼相責无有懼怡一日九結

大過追亡逐北呼還幼叔至山而得及歸其室

坎 街命辱使不堪厥事遂墮落去更為欺吏

離 被珠街玉沐浴仁德應聘唐國四門穆穆蠹賊不作凶惡

伏匿

咸 機關不便不能出言精誠適通為人所究

齊

恒 甕破缶缺南行亡失

遯 唇亡齒寒積日凌根朽不可用為身災患

大壯 蒙惑憧憧不知西東魁罡指南告我失中利以宜止去國

憂患

晉 鳥鳴搏翼以避陰賊盜伺二女賴厥生福旱災為疾君无

黍稷

明夷 名成德就項領不試景公耄耆尼父避去

家人 言與心詭西行東望鯨湮洪水佞賊為禍

睽 險狃非度治兵焦獲伐鎬及方與周爭疆无戎其駕衰及

夷王

蹇 三火起明雨滅其尤高位疾顛驕恣誅傷

解 陰承川決水為吾帝使使我清心毋樹泉麻居止凶殆

損 厭浥晷夜道多湛露沾我襦袴重難以步

益 宜行賈市所求必倍載喜抱子與利為友

夬 陰變為陽女化為男治道得通君臣相承

姤 淵蔽牡荆生蔚山旁仇敵皆增孰肯相迎

萃 坐茵乘軒握德宰臣虞叔受命六合和親

升 雲興蔽日雨集草木年茂歲熟

困 播枝折岐與母別離絕不相知

井 天旱水涸枯槁无澤困於沙石未有所獲

革 圭璧琮璜執執覓王百里審威應聘齊秦

鼎 龍渴求飲雲黑景從河伯捧醴跪進酒漿流潦滂滂

震 電梅零蕤心思積憤亂我雲氣

艮 鹿求其子虎盧之西唐伯季耳貪不我許

漸穿匏挹水搆鍊然央勞瘦力竭飢渴爲禍
歸妹龍生馬淵壽考且神舍宿軒轅居樂常安
豐崔嵬北岳天神貴客溫仁正直主布恩德衣冠不已蒙受

大福

旅 鬼夜哭泣齊失其國爲下所賊

巽 二政多門君失其權三家專制禍起季孫

允 望幸不到文章未就三丁逐兇六踣不得

渙 伯虎仲熊德義淵弘使布五教陰陽順序

節 兩足四翼飛入家國寧我伯姊與母相得

中孚 春秋禱祝解禍除憂君无災咎

小過 牧羊稻園聞虎喧懼畏懼悚息終无禍患

既濟 大蛇巨魚相搏於郊君臣隔塞郭公出廬

易林下終

題識

舊見沙隨程氏所紀紹興初諸公以易林筮時事奇驗求之歷
年寶慶辛亥始得其書於莆田錄而藏之皆韻語古雅頗類左
氏所載繇辭間嘗筮之亦驗獨恨多脫誤無他本是正嘉熙庚
子自吳門歸雲川偶爲鄉守王寺丞侑道之因以家藏本見假
雖復多脫誤而因兩本參互相校十頗得八九於是兩家所藏
皆成全書其間亦多重復或數爻共一繇莫可稽究校畢歸其
書王氏而志其校正本末於此明年淳祐辛丑五月上浣直齋
書

題焦氏易林後

易之道無所不該學者各得其一偏耳然皆不可語非易也易
自夏商周已有三易其後連山歸藏不傳唯周易獨傳周易至

漢儒分而為三有田何易焦贛易費直易何之易傳自孔子分
上下經以孔子所作爲十傳而有章句贛之易專於占察易林
之十六卷直之易長於卦筮無有章句徒以彖象文言等參入
卦中以解經漢末田焦之學徵絕而費氏獨存蓋費之後有鄭
康成王弼等爲之注故也宋程伊川據弼易爲傳固出於費朱
氏晦庵據呂伯恭古易爲本義則本之田何於是田費之易皆
盛行於世而贛獨不幸無傳者近於內閣閱書得易林觀其辭
韻皆非後人所能到頗類左傳中所載繇辭因錄而藏之異日
間有事以占亦未嘗不驗也然則贛之易豈無所本者耶惜乎
未學淺識不能爲之傳注使之盛行以爲夫人之趨吉避凶一
助也姑識之以俟能者

成化癸巳夏四月二十六日後學安城彭華識

序焦氏易林後

易有聖人之道四焉以言者尚其辭以動者尚其變以制器者尚
其象以卜筮者尚其占此四者皆變化之道神之所爲也予讀焦
氏易林演六十四卦爲四千九十六卦而卦皆具夫辭變象占其
意精而深其文簡而古真有以發羲文周孔之所未發而開物
成務通志定業斷疑之妙開卷具在予未仕時惶以不獲見恨
及知武功對山先生出示予反覆誦味之餘因命梓之以傳其
傳而私識歲月於此嘉靖四年春二月廣安姜恩書

焦氏易林下卷終





